



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27/01-04-20702-24/20
Sarajevo, 13.07.2020.godine

SKUPŠTINA KANTONA SARAJEVO
N/r Predsjedavajućeg
- OVDJE -

Predmet: Odgovor na zastupničko pitanje – dostavlja se,

-Veza vaš akt broj: 01-04-20702-24 od 17.06.2019. godine.

Zastupnik Elvis Vreto na 26. Radnoj sjednici Skupštine Kantona Sarajevo, održanoj dana 16.06.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavio je **zastupničko pitanje** koje glasi:

"Svjestan činjenica da je pandemija promjenila prioritete rada, ali zašto pola godine nemamo informaciju o sanaciji deponije Smiljevići, podsjećam da smo zaključkom obavezali Vladu i nadležno ministarstvo da se za svaku sjednicu pripremi navedena informacija, koja će biti jedna od tačaka dnevnog reda do normalizacije stanja deponije Smiljevići."

ODGOVOR:

U vezi postavljenog pitanja možemo Vas informisati da je Vlada Kantona Sarajevo je na 47. Sjednici održanoj, dana 14.11.2019. godine donijela Rješenje o formiranju Radne grupe za prenos nadležnosti, broj: 02-05-40411-32.3/19, za prenos nadležnosti deponije "Smiljevići". Zadatak Radne grupe je bio da se Vladi Kantona Sarajevo dostavi prijedloge pravnih akata kao i izmjene postojeće regulative, u vezi sa prenosom nadležnosti i prelaskom prava upravljanja nad deponijom "Smiljevići" iz nadležnosti Ministarstva prostornog uređenja, građenja i zaštite okoliša Kantona Sarajevo na nadležnost Ministarstva komunalne privrede i infrastrukture Kantona Sarajevo.

Na osnovu prijedloga Radne grupe Vlada Kantona Sarajevo je donijela Zaključak, broj: 02-05-44305-5/19 od 24.12.2019.godine, kojim je propisano da će se prenos prava obaveza izvršiti putem Sporazuma, između Ministarstva prostornog uređenja, građenja i zaštite okoliša Kantona Sarajevo i Ministarstva komunalne privrede i infrastrukture Kantona Sarajevo. Rok za realizaciju predmetnog



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1



Zaključka je bio predviđen najkasnije do 31.12.2019.godine. Nakon ovog Zaključka, Rješenjem Ministarstva komunalne privrede i infrastrukture Kantona Sarajevo, broj: 27-04-1838/20 od 23.01.2020.godine, formirana je Radna grupa za pripremu Sporazuma o prenosu prava i obaveza iz zaključenih ugovora i sporazuma u vezi sa deponijom "Smiljevići". U skladu sa navedenim, nova Radna grupa je dobila zadatak: da kompletira relevantnu dokumentaciju, poduzme sve radnje i mjere u cilju primopredaje dokumentacije i eventualnog prenosa sredstava za izvršenje ugovorenih obaveza u Budžetu Kantona Sarajevo. Nakon završetka rada Radne grupe, Ministarstvo komunalne privrede i infrastrukture Kantona Sarajevo i Ministarstvo prostornog uređenja, građenja i zaštite okoliša Kantona Sarajevo su dana, 20.02.2020. godine potpisali *Sporazum o prenosu prava i obaveza za upravljanje deponijom "Smiljevići"*. Premetnim Sporazumom predviđen je rok za aneksiranje važećih ugovora (u roku od 60 dana od dana potpisivanja Sporazuma), kao i obezbjeđivanje sredstava za isto.

Iz priloženog se može zaključiti da je Vlada Kantona Sarajevo ostavila kratak rok za izvršenje prenosa prava i obaveza u vezi sa deponijom "Smiljevići", obzirom da nije uzeta u obzir kompleksonst cjelokupnog prenosa nadležnosti, realizacije ugovora, finansijskog planiranja stavki u budžetu i dr. Tako je:

- Zaključakom, broj: 02-05-44305-5/19 od 24.12.2019.godine naložen prenos prava i obaveza u roku od 7 dana (najkasnije do 31.12.2019.godine);
- Radna grupa za pripremu Sporazuma o prenosu prava i obaveza iz zaključenih ugovora i sporazuma u vezi sa deponijom "Smiljevići" imenovana je Rješenjem Ministarstva komunalne privrede i infrastrukture Kantona Sarajevo, broj: 27-04-1838/20 od 23.01.2020.godine;
- Sporazum o prenosu prava i obaveza za upravljanje deponijom "Smiljevići", potpisan je dana 20.02.2020. godine;
- Aneksiranje prenesenih ugovora još uvijek nije završeno;
- Budžet Kantona Sarajevo, usvojen krajem mjeseca marta 2020. godine.

Vlada Kantona Sarajevo je na Petoj vanrednoj sjednici 18.03.2020. godine, donijela Odluku o proglašenju stanja prirodne i druge nesreće na području Kantona Sarajevo, zbog čega je došlo do potpunog zastoja u radu i obustavljanje većine planiranih aktivnosti. Tako je Ministarstvo komunalne privrede i infrastrukture Kantona Sarajevo u više navarata upućivalo urgencije prema Zavodu za izgradnju Kantona Sarajevo, u vezi aneksiranja prenesenih ugovora, čiji je on potpisnik, kao i dostavljanja izvještaja u vezi sa realizovanim aktivnostima iz predmetnih ugovora. Tako je Vlada Kantona Sarajevo na prijedlog Ministarstva komunalne privrede i infrastrukture Kantona Sarajevo, imenovala je Rješenjem Komisiju za realizaciju Programa aktivnosti na sanaciji i izgradnji RCUO "Smiljevići" za 2020. godinu, broj: 27-04-02279/20 od 01.04.2020.godine. Imenovana Komisija nije mogla odgovoriti svom zadatku, zbog proglašenja stanja nesreće uzrokovane korona virusom u Kantonu Sarajevo.




web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177



Sarajevo, Reisa Džemaludina Čauševića 1

Trenutno je u toku realizacija stavke H 6.2. "Izgradnja plohe na površini od 10.000 m²", usvojena u Programu aktivnosti na sanaciji i izgradnji RCUO "Smiljevići" za 2019 godinu. Do danas izgrađeno je 8.500 m² plohe od ukupno ugovorenih 10.000 m².
Ministarstvo komunalne privrede i infrastrukture Kantona Sarajevo će dostaviti Skupštini Kantona Sarajevo detaljan izvještaj o provedenim aktivnostima na sanaciji i izgradnji deponije "Smiljevići", a u skladu sa potpisanim Sporazumom o prenosu prava i obaveza od 20.02.2020. godine.

S poštovanjem,


MINISTARSTVO
MR. SC. [REDACTED], dipl.ing.maš

Dostavljeno:

1. Skupština Kantona Sarajevo, 2x
2. Vlada Kantona Sarajevo, na znanje
3. Evidencija,
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

